

類

焦

類傳卷第九

勾吳虞舟鄭若唐

山東按察司副使古虞百樓鍾

毅

同閱

戶部陝西司主事西蜀少川王用楨

戶部福建司主事古粵礪山鍾

昌

工部營繕司員外四明蔡韜張大器

同閱

臨清州知州古完呂珩 校正

太學生汪珙校梓

人倫類

宗族

**同姓**

詩云豈無他人不如我同姓**帝族**書云若

稽古帝堯以親九族注高祖至玄孫爲九族**王**

**族**

詩云角弓刺幽王不親九族**官族**左傳云官

有世功則有官族**公族**詩云麟之角振振公族

**三族**

漢書云小宗伯掌王族之別以辨親疎注

父子孫又父族母族妻族**九宗**唐書云一姓爲

九族**五屬**漢書云人親五屬**六親**北史云五服

六親等衰麻之心**望族**北史云後魏望族以崔

寶等爲冠**世族**唐書云太宗詔高士廉與岑文

本令狐德蔡賈天下譜牒參考史傳檢正真偽  
進忠賢退悖惡先宗室後外戚退新門進舊望  
右青梁左寒俊合九百二十三姓千六百五十  
一家爲九等号曰世族**右族**柳玘云名門**右族**  
**茂族**李華云良家**茂族****名族**五代史云裴氏自  
晉魏以來世爲名族**歌金**漢書云踈廣棄官歸  
家散金具酒食請族人故舊相與娛樂子孫竊  
使所愛信說廣爲子孫立產業廣曰吾豈老耄  
不念子孫哉賢而多財則損其志愚而多財則

益其過此金聖之養老臣也宗族共享其賜盡  
吾餘日不亦可乎

**宋書**

漢書云樊重世善農稼

好貨殖三世共財上下戮力財利歲倍貨至鉅  
萬外孫何氏兄弟爭財重耻之以田二頃解其

**訟南阮**

世說云阮咸與籍居道南諸阮居道北

北阮富而南阮貧忍字唐書云張公藝九世同

居高宗有事泰山臨幸其居問之公藝書忍字

百餘以進同慶北史云魏楊道一家之內男女

百口總服同慶庭無間言又唐書云博陵崔氏

繼麻親三世同爨貞元以來言家法者以鵠爲首生六子一登輔相五任大僚既貴達亦同居光德里一宅**分田**唐書云閔內田宅悉賜勳家至是還給之蕭瑀盡以分宗族**八院**唐史云張寬兄弟八人於東都置八院相對甥姪亦有名常擊鼓會飲**給餉**唐史云李昉子孫數世至二百餘口猶同居共爨田園邸舍所收及有官者俸祿皆聚一庫計日給餉**事**唐書云趙彥昭遷中書侍郎同平章事以權倖進中宗時有女

至趙挾鬼道出入禁掖彥昭以姑事之其得至  
宰相巫力也

**尊事**

唐書云李義甫已貴乃言系

出趙郡與諸李叙昭穆希進者徃徃尊爲父兄  
給事中李崇引與同譜旣責晉州丞削去

**三春**

五代史云裴皞自晉魏以來世爲名族居燕者  
號東春居涼者號西春居河東者號中春

**華胄**

梁史云何昌寓爲吏部尚書有姓閔求官者昌  
寓問君是誰後君曰子篤後昌寓掩口笑曰遙  
遙華胄

**拜墓**

五代史云郭崇韜爲樞密使用事

宰相豆盧革談之曰公姓郭豈汾陽王裔耶崇  
韜曰因遭亂失譜牒嘗聞先人言才距汾陽四  
世耳革曰然則固從祖也崇韜嘗過汾陽墓哭  
拜焉不附夢溪筆談云狄青爲樞密使有狄梁  
公後持梁公畫像及告身十餘通詣青獻之以  
謂青之遠祖青謝之曰一時遭際安敢自附梁  
公厚贈而遣之遺宋史云范仲淹自政府歸  
姑蘇焚黃搜外庫有絹三千匹令掌史錄親戚  
及閭里知舊大小散之皆盡曰宗族親戚見我



生長幼學杜仕爲我助喜我何以助之

父子

**天性**

禮云父子之道天性也

**孝慈**

曾子云爲人

子止於孝爲人父止於慈作木子思云父作之

子述之

**幹蠱**

易云幹父之蠱有子考無咎

**贊寧**

書云若考作室厥子乃弗肯堂矧肯構厥父舊

厥子乃弗肯播矧肯穫

**家正**

易云父父子子兄

兄弟弟夫夫婦婦而家道正正家而天下定矣

**橋梓**

世說云伯禽康叔見周公三見三筮之二

子乃問商子商子曰南山之陽有木名橋南山之陰有木名梓何不往觀之二子往見橋木高而仰梓木卑而俯還告商子曰橋者父道梓者子道也**添丁**碎事云盧仝生子名曰添丁欲爲國持役也**侍膳**禮云文王有疾武王不說冠帶而養文王一飯亦一飯文王再飯亦再飯**問安**禮云文王爲世子朝于王季日三鷄初鳴至寢門問內豎曰安否何如內豎曰安文王乃喜及日中又至亦如之及暮又至亦如之其有不安

內豎以告文王色憂食子世紀云文王長子曰

伯邑考紂烹以爲羹賜文王曰聖人不食其子

文王得而食之紂曰誰謂西伯聖者與食其子

羹而不知又韓非子云樂羊爲魏將攻中山中

山之君烹其子遺樂羊坐於幕下而斃之盡一

杯文侯曰樂羊以我故食其子肉樂羊罷中山

文侯賞其功而疑其心二曰左傳云趙衰冬日

之日趙盾夏日之日冬日可愛夏日可畏分羹

漢書云項羽軍成皐與漢相守楚軍食少項王

患之乃爲高俎置太公共上告漢王曰今不急  
不吾烹太公漢王曰吾與若俱此而受懷王約  
爲兄弟吾翁卽右翁必歎烹而翁幸分我一杯  
羹項王怒欲殺之項伯曰爲天下者不顧家雖  
殺之無益也**得劍**漢書云陸賈有五男賣橐中  
金分其子二百金令爲生產賈常乘安車侍者  
十餘常佩寶劍直百金謂諸子曰與汝約過汝  
汝給人馬酒食十日更所死之家得劍**遺禮**漢  
書云霍去病父仲孺以縣吏給事平陽侯家與

侯作者衛少兒私通生去病仲孺吏畢歸家娶婦生子不相聞久之去病為驃騎將軍擊匈奴道出河東至平陽傳舍遣迎仲孺趨入拜謁將軍迎拜因跪曰去病不孝不自知為大人遺軀孺扶服叩頭曰臣得托命將軍此天力也去病為大買田宅奴婢而去

**梁水**

太平御覽云前漢

有浪子者家貲萬金自小不從父言父臨亡意欲葬山上知子不從反必葬我渚下石磧上浪子曰我悖父當從此語盡散家財積土繞之成

一洲長教百步元康中爲水所壞**双珠**漢書云

帝康元將弟誕仲將孔融與其父書曰前日元  
將來淵才亮茂雅度弘毅備世之器也昨日仲  
將來文敏篤誠保家之主也不意雙珠近出老

蚌

**三君**

漢書云陳昶方弟謚季方與父寔齊德

同行號三君**石氏**楊子云石奮石建父子之無

是父無是子無是子無是父**太僕**漢書云公孫

賀自太僕卿迂丞相其子敬聲代爲太僕**易處**

漢書云杜延年爲御史大夫以居父官不敢當

父舊位坐卧皆易其處**季子**漢書云吳祐父恢

爲南海太守祐年十二隨官恢歿殺青簡以書

經書祐諫曰踰越五嶺俗多珍怪上爲國家所

疑下爲權威所望此書若成則載之兼兩昔馬

援以蕙苾興謗王陽以衣囊微名恢乃止因撫

其首曰吳氏世不乏季子矣**炊飯**商芸小說云

陳太丘有子元方季方有客請太丘談鋒甚敵

太丘令二子炊飯延客二子委甌竊聽客語飯

落釜成糜而進客去太丘責之二子言其故且

誦客語無遺太丘曰但糜自可何必飯爲**教誨**

漢書云陳萬年子咸數言事譏刺近臣萬年病

召咸至牀下語至半夜咸睡頭觸屏風萬年大

怒曰乃公教戒汝不聽何也咸曰已曉所言大

要教咸諡也萬年乃不復言**俱相**漢書云帝賢

字長孺子玄成字少翁俱以明經至宰相**居塚**

孝子傳云趙恂年五六歲時得甘美未嘗獨食

必先哺父父出輒待還而後食後父沒恂思慕

哀號居於塚鄉族稱孝**納假**魏志云秦卽父爲



張飛所殺魏太祖納其母子而愛即謂人曰豈

有愛假納如孤者

**假**

魏畧云太祖納何宴收

養宮中服飾擬太子文帝憎之謂之假子

**衛卿**

魏志云辛毗爲衛尉卿子故亦爲衛尉卿

**名子**

南史云謝莊生五子颺颺顥崧淪謂莊名子以

風月景 山水又唐書云楊惟直名四子發假

收嚴以春夏秋冬爲義收大拜發至丞郎

**棗梨**

海錄碎事云張敷小名棗父劼小名梨宋文帝

嘗戲之曰棗何如梨敷曰梨是百果之宗棗何

政比收與太平御覽云原殺祖年老父作與并  
弃之野穀乃隨收與歸父謂之曰尔焉用此凶  
具曰殺恐后父老不能更作是以收之父感悟  
愧其乃載祖歸侍養尅己自責更成純孝義斷  
顏氏家訓云吳郡陸襄父被刑襄終身布衣蔬  
飯雖姜菜有切割皆不食居家惟搗搗供厨江  
陵姚子篤母以燒死終身不敢炙韞熊康父以  
醉被殺終身不嘗酒然禮緣人情恩由義斷親  
以噎死亦不可絕食也駭勇北史云達奚震駭

勇走及奔馬周文曰非此父不生此子**五**之世  
說云王羲之有子七人共知名者五人曰玄之  
凝之徽之操之獻之孟郊詩曰羲之生五子羲  
之又有之**快牛**晉書載記云石季龍少時數彈  
人石勒白母欲殺之母曰快牛為犢子時多能  
破車汝當小忍之勒乃止**列賦**晉書云袁宏迂  
桓溫記室後為東征賦列稱過江諸名德而獨  
不及桓彝溫知之後問宏云君東征賦多稱先  
賢何故不及家君宏曰尊君稱謂非下官敢專

既不違落不敢請耳溫曰君欲爲何辭宏即荅  
曰風塵散朗或搜或引身雖可亡道不可殞宣  
城之節信義爲先溫泣然而止宏賦又不及陶  
侃侃子胡奴穿於曲室抽刃問宏曰家公勲跡  
如此君賦云何相忽宏窘急荅曰我已盛述尊  
君何乃言無因曰功以濟時職思靖亂長沙之  
勲焉史所贊胡奴乃止

**野鶴**

世說云嵇紹始入

洛或謂王戎曰昨於稠人中始見嵇生昂昂然  
如野鶴之在鷄群戎曰君復未見其父耳父則

中散嵇叔夜

**鳳毛**

朱書云謝鳳子超宗有文辭

作殷淑妃諫帝大器賞謝莊曰超宗殊有鳳毛

**再生**

古今詩話云顧况字退翁暮年有子非熊

忽暴亡况哀悼不服乃作詩曰老人喪愛子曰

暮疾成血老人年七十不作多時別非熊冥問

聞之以情告冥官冥官憫之却令生於况家二

歲能言冥問聞父苦吟求再生事長應舉擢弟

**非熊**

晉書云王述字懷祖子坦之字文度爲桓

溫長史溫歆爲子求婚於述坦之還家省父述

愛坦之雖長大猶置膝上坦之因言溫意遂大怒遂排下膝曰汝竟癡耶

**降等**

隋史云楊玄感

與父素俱爲柱國朝會則齊列文帝命玄感降等謝曰不意陛下寵臣之甚許以公廷展私蔽

**知子**

明皇雜錄云上問蘇環草書難其人誰可

環曰臣不知其他臣男頽爲文甚速可備使令援筆立就明皇撫其背曰知子莫若父

**忠清**

**職**

官分紀云唐崔玄暉爲軍校負外郎母盧氏疾之曰吾見辛亥馭云子從官者聞人云貧乏不

能存此是好消息苟貴貨充足本馬輕肥此惡  
消息汝今坐食俸祿若不忠清何以燕天履地  
待加脩潔勿累吾此意也

**緇**

明皇雜錄云上

幸蜀傳位賈至謨册上曰昔先王誥命汝父爲  
之今茲辭命乃出尔手兩朝盛典出卿父子可  
謂繼美

**續**

唐書云王少玄父死其遺腹生少

玄十歲問父所在母以告即哀泣求尸時野中  
白骨覆壓或曰以子血漬而滲者父齒也少玄  
鏡覆閱旬而獲

**續**

唐書云知士美好學善記

覽父友顏真卿蕭穎士輩嘗與討論經傳應對如流因相謂曰吾曹異日常交二却之間**夾子**唐書云令狐綯爲相每朝廷太事一取決於干滈如元載之伯和李吉甫之德裕滈頗招受嬖婚言事者攻其短綯爲其子訴寃**相戾**唐書云崔湜爲兵部侍郎父挹爲禮部侍郎性貪每爲人請托干湜多不從由是父子相戾**繼相**唐史云蘇廷碩與宋璟同當國璟嘗曰吾與蘇氏父子同爲宰相父子相繼世託其榮**西平**唐書



云帝狩梁州李晟自東渭橋以精騎萬人破賊  
朱泚率殘卒西走餘黨悉降帝乃拜晟行營副  
元帥徙王西平即子愬以蔭補官憲宗討吳元  
濟以為節度會大雨雪半夜擒吳元濟故柳子  
厚平淮碑曰惟西平有子惟我有臣 **史**唐史  
云肅康將代父端為荊州刺史父老止傳舍康  
入舍時人榮之 **令子**唐史云鄭餘慶子涵為右  
補闕敢言無諱憲宗謂餘慶曰卿令子朕直臣  
也 **求外**唐史云孫逖遷中書舍人父嘉之八十

為令迭求降外官增父秩帝嘉納拜嘉之宋州  
司馬聽致仕待立歸田錄云王溥并相年三十  
二其父祚托防禦使每見客溥常朝服侍立客  
不安祚曰孛生勞賢者起避耶三槐邵氏聞見  
錄云王晉公祐太祖朝為知制誥使魏州太祖  
曰使還與卿王溥官職時溥為相也使還帝怒  
安置華州七年不召初祐赴貶時親朋送祐曰  
意公作王溥官職矣祐笑曰某不做兒子二郎  
做二郎者文正公旦也祐手植三槐于庭曰吾

子孫必有為三公者已而果然

**列傳**

渑水燕談

云陳省華蜀人堯叟堯佐堯咨皆進士及第伯仲為天下第一晚年燕國夫人馮氏俱康寧堯叟知樞密院次子直史館少子知制誥每對客三子列侍客不自安省華曰孺生列侍常也士大夫以為榮

**八龍**

宋史云韓億八子曰綱綜絳

繹緯續維綱多為聞人絳績皆為宰相維為門

下侍郎以此荀氏八龍

**桓龍**

東軒筆錄云王荆

公及子夢同修經義經成加荆公左僕射夢龍

圖直孝士同日受命元絳詩曰陳前與服同桓  
傳拜後金珠有魯公

母子

**聖善** 詩云母氏聖善 **善母** 詩云魯侯燕喜令妻

**壽母** **化石** 地志云禹治水過轅轅山化為熊謂

塗山氏女曰聞鼓聲乃來餉禹排石誤中鼓塗

山氏徃見禹作熊慙而去至嵩山下化為石方

孕啓禹曰歸我子石破北方啓生 **化桑** 尚書大

傳云伊尹母方孕行汲化為枯桑其夫尋至水

瀆見桑穴中有兒乃收養之。**配父**傳云繼母同  
母也當以配父之尊居母之位齊杖之制皆如  
親母。**如母**儀禮云繼母如母故孝子不敢殊也  
**世母**爾雅云父之兄妻為世母父之弟妻為叔  
母**子室**禮云為孺子室於宮中擇於諸母與可  
者必求其寬裕慈惠溫良敬謹而寡言者使為  
子師其次皆居子室。**搢臂**論衡云曾參出薪于  
野有客至其家欲去其母曰願留參方到即以  
左手搢右臂臂痛參即馳歸問母曰臂何故痛

母曰今者客至盥吾臂呼汝耳

**練冠**

禮云昔者

魯昭公少長失其母有慈母良及其死也欲喪之有司以聞曰古之慈母無服今君為之服是逆古典公不忍為之練冠自昭公始也

**曠禮**

禮

記云穆伯之喪敬姜據其床而不哭曰吾有斯子也吾以為賢人也及其死也朋友諸臣未有出涕者而內人皆行哭失聲斯子也必多曠於禮矣

**不娶**

家語云曾子出妻終身不娶曾元請

焉曾子曰高宗以後妻殺孝己尹吉甫以後妻

依伯奇吾上不及高宗中不及吉甫吾其勉於  
非乎**蘆絮**孝子傳云閔子騫為後母所苦冬月  
以蘆花衣之以代絮父知之欲出後母子騫曰  
母在一子寒母去三子單遂止**穿井**史記云舜  
父瞽叟娶妻而生象象做瞽叟愛後妻子常欲  
殺舜使浚井從而掩之**不聘**左傳云聲伯之母  
不聘穆姜曰吾不以妾為妣**斷機**史記云孟軻  
母三徙既居孟子孝而歸母問學所至孟子自  
若也孟母以刀斷機曰子之廢孝若吾斷機孟

子慎勤孝不息遂成名儒倚門史記云王孫賈

事齊閔王王出走賈失王之處其母曰汝朝出

而晚來則吾倚門而望汝暮出而不歸則吾倚

閭而望女今事王王出走女不知其處尚何歸

賈入市集四百人遂誅淖菴伏劍漢書云漢王

擊項籍王陵以兵屬漢籍取陵母置軍中陵使

至則東鄉坐陵母歆以招陵母送使者曰為老

妾語陵善事漢王母以老妾故持二心遂伏劍

死陵卒事漢定天下飛劍史記云秦末天下兵



起陳嬰亦引衆母曰自吾為汝家婦長見貧賤卒富貴不祥不如以兵屬人事成少受其利

**陰**

**德**

劉向新序云孫叔敖為兒出遊見兩頭蛇殺

而埋之歸泣謂母曰兒聞兩頭蛇見者必死恐後人見乃埋之矣母曰爾行陰德必有陽報德勝不祥汝無憂矣叔敖後為楚相

**拜像**

漢書云

金日寒母死武帝詔圖其形於甘泉宮日單養焉苑中每牽馬過見遺像輒拜

**賜霜**

孝子傳云

尹吉亦惑於後妻雪其子伯奇無衣無履而使

踐霜挽車伯竒順父之令不敢有辭續漢書  
云翟方進年十二三失父為太守府小吏病歸  
辭其後母歆而至京師授經母憐其幼隨至長  
安織履以給方進後十餘年至宰相母尚在  
**指**孝子傳云蔡順少孤事母孝嘗出求薪有客  
卒至母望順不至乃噬其指順即心動弃薪歸  
跪問故母曰有急客來吾噬指以悟汝耳  
**平反**漢書云雋不疑為京兆尹每行縣錄囚還其母  
問不疑多為所平反母笑喜為飲食言語否即

怒而不食故不疑為吏嚴而不酷**責苛**漢書云  
嚴延年治河南酷刑號屠伯母教責云不意當  
老見壯子被刑戮也去汝東歸掃墓地耳歲餘  
延年果奔市東海莫不賢智其母**勉死**漢書云  
范滂字孟博桓帝時大誅黨人詔下急捕滂滂  
自詣獄縣令郭揖解印綬歎與俱亡滂曰滂死  
則禍塞其母就獄與決曰汝今得與李杜齊名  
死亦何恨滂受教再拜辭母遂死詔獄**憂責**漢  
書云潘孟陽初為侍郎年未四十其母曰以甫

之才而貴為丞却使吾愛之**得魚**漢書云姜詩  
事母至孝母好飲江水嗜魚鱠舍側急湧泉皆  
如江水每日一汲輒獲双魚又北魏陸政性篤  
孝母吳人好食魚北土魚少政求之苦難后宅  
側忽泉出而有魚得以供膳時謂孝魚泉**懷橘**  
吳志云陸績年七歲謁兄表術登筵懷橘拜而  
墜地術問其故曰將以遺母術甚奇之**還鮓**吳  
錄云孟仁為監魚池司馬自結網捕魚作鮓寄  
母母還之曰汝為魚官以鮓寄我非避媼疑也

又陶侃母湛氏侃少爲縣吏嘗監魚池魚鮓遺  
母母封鮓責之曰尔以官物遺我不能益我乃  
皆**吾憂分**後漢書云蔡順王莽末歲荒順拾

椹以異器盛之赤眉見而問之順曰黑者奉母  
白者自食賊異其孝乃以米肉遺之**雷**先賢

傳云蔡順字召仲奉養母至孝母至婚家因飲  
酒吐順恐中毒乃嘗共吐**行毒**後漢書云馮

衍子豹年十二後母惡之因夜行毒而豹敬事

愈謹**傷慈**惡畧云郭巨事繼母至孝家貧產子

憂不能字謂其妻曰傷慈以終孝吾無恨也遂  
葬之**乳母**漢書云武帝乳母犯罪帝欲申憲乳  
母求救東方朔曰將出時但當屢顧帝慎勿言  
乳母夫如朔言朔亦侍側因謂曰汝痴耳帝豈  
後憶汝乳母時耶帝惻然免之又遺火云韓晉  
公浙而觀察有乳母通求外事公欲殺之密求  
顧况營救况請公問之公曰天下皆知某守禮  
法乳母先犯之况曰公幼時早起夜卧即要乳  
母今為侯伯乳母焉用哉誠宜殺也公據捨之

**投魚**

孝子傳云杜孝已郡人也

少失父與母居以孝稱

母喜食生魚孝在城都祿大竹筒盛魚二頭塞以草投中流祝曰幸及我母婦出見筒觸岸取祝有二魚笑曰此夫所寄熟而進之聞者嘆駭

**心亂**

魏志云徐庶母為曹公所得庶謂劉備曰

本欲為明公效愚歎今為老母方寸亂矣請從此別遂詣曹公

**列未**

逸士傳云丁蘭少喪母不

及養乃刻木為親形事之若生隣人張叔妻從

蘭事有所借蘭妻跪請木人木人不悅不以借

之叔醉罵木人以杖舄其頭蘭歸奮殺張叔即  
縣嘉其孝遂上之圖形於寔堂蜀志云姜  
維天水人既歸蜀得母書令求宿歸維曰但有  
述志不在當歸魏志云王修年七歲母杜  
日死修每至杜日悲慟隣里爲之輟杜寄漢  
書云曹公令路粹枉狀奏孔融與布衣相衡放  
言云父之有子當有何親論其本意實爲情歎  
發耳子之於母亦復奚爲譬寄物瓶中出則離  
矣升堂漢書云范武與張邵爲友武曰後將還



拜親邵白母爲酒饌以待之至期式果列升堂

拜母

**求鯉**

晉書云王祥性至孝繼母朱氏不慈

數譖之由是失愛於父其母嘗欲待生魚時天

寒冰凍祥解衣將剖冰求之冰忽解雙鯉躍出

**勸學**

晉書云皇甫謐字士安年二十不好學游

蕩得瓜果與叔母任氏曰三牲之養無慰我心

昔孟母三徙終身受李謐聞之流涕乃感激帶

經而農

**屈節**

世說云周顛母李氏字駱秀顛父

爲安東將軍駱秀爲妾父兄不許駱秀曰門

戶珍瘁何惜一女子遂與之生顏及嵩謨嘗曰  
我屈節爲汝家妻

**答趙**

世說云裴秀母賤嫡母

宣氏不之禮叔父徽有惑名賓客甚衆秀年十  
餘歲有諸徵者出則過秀宣氏使其母進饌於  
客見者皆起秀母曰徵賤如此應爲小兒故也  
宣氏知之乃止時人爲之語曰後進頰袖有裴  
秀

**商賈**

南郡新書云潘孟陽母劉晏女常問末

坐有綠衣少年何人曰補闕杜黃裳夫人曰此  
人竟全別必是責人後爲相

**文宣**

晉書云常暹

母宋氏父世儒學家立講堂置生徒百二十人  
隔紗幔度業號文宣君侍婢十人

**校輿**

晉書云

潘岳太夫人於是覽止足之分太夫人乃御校  
輿升輕軒遠覽王畿近周家園席長筵州豫柳  
禹陰車結執或安于林或楔于汜昆弟班白兒  
望稚齒稱萬壽以獻觴或一惧而一喜壽觴舉  
慈顏和浮杯樂飲絲竹駢羅頓足起舞抗音高  
歌人生安樂知其他禮晉書云范滂嘗  
陶侃家貧無供具母謂侃曰汝但留客吾自負

計乃截髮爲雙髻賣易酒肴極豐從者亦過望  
遠至京師稱述侃似遂知名**避果**先賢傳云羅  
威字德仁幼喪父事母至孝耕耘爲業勤苦以  
養奇果珍味隨時進之**知貴**南史云王敬則母  
爲女巫常謂人曰敬則生時胞衣紫色應爲鳴  
鼓角人笑曰汝子得爲人吹角可矣及長而兩  
腋下生乳各長數寸變駢五色獅子後果然**索**  
**刀**南史云宋廢帝子業性凶悖其母疾篤召之  
荅曰病人多鬼那可往其母怒謂侍者索刀來

破我腹那得生此字黎光

**借瓜**

南史云滕曇恭

年五歲母病熱思食寒瓜土俗不產曇恭歷訪  
不得俄遇一桑門曰我有雙瓜相遺舉室驚異

**乘血**

南史云肖叡明母久病風叡明晝夜祈禱

時寒叡明下淚爲之水如筋頸上叩頭血亦米

不溜後其母遂安

**容輝**

南史云崔道固爲宋諸

王叅軍被遣青州燕人長史以下並詣道固道  
固諸兄等逼其所生自致酒炙於客前道固驚  
起謂人曰家無人力老親自執劬勞諸客皆知

其兄所作成拜其母母謂道固曰我賤不足以  
報貴汝宜吞拜諸客皆歎美道固母子而賤其  
諸兄

**蒲荷**

隋書云陳叔達為納言嘗賜食得蒲

荷不舉高祖問之對曰臣母病渴嘗求不能致

願奉之帝曰卿有遺乎因賜之

**阿紫**

西清詩話

云杜甫送王冰云家貧無供給客位但箕帚俄

頃羞頰珍寂寥人散後入怪鬢髮空吁嗟為之

又自陳剪髻鬢粲市易充沽酒上云天下亂宜與

英俊厚秦王特在坐貞氣驚戶牖及手貞觀初

尚書踐台斗此稱珪母之賢

**九能**

唐書云柳仲

郢幼嗜學母嘗和熊膽爲丸使夜咀嚙以助子

勤

**拔刀**

唐史云僕固懷恩遣子瑒攻辛雲京偏

將焦暉等斬瑒首獻闕下懷恩告其母母曰我

戎汝勿反今衆變禍且及我提刀逐之曰吾爲

國殺此賊以令軍中懷恩以部曲三百走灵州

詔輦其母歸京師贊曰其母拔刀逐賊烈婦人

哉

**擁笏**

韓退之云唐晉成王臯爲刺史遭誣在

治念其母太妃老將驚而戚出則內服就辯入

則擁笏垂魚**回班**職官分紀云唐趙隱輔政宰

相及百官皆詣第升堂慶母懿宗誕月宴慈恩

寺隱侍母以安與館觀宰相率百官拜恩於庭

迴班候夫人起居縉紳以為榮**先國**唐書云桓

彥範誅二張也初將起事告其母母曰忠孝不

並立義先國家可也**授經**唐書云薛播早孤伯

母林通經史善屬文授經諸子及播兄弟**禱泉**

唐書云宋思禮事繼母孝會大旱井涸母羸疾

井泉水不通口思禮憂且禱忽有泉出諸庭味



甘寒日不乏汲

**拔劍**

五代史云安重榮拜成德

軍節度有夫婦訟其子不孝重榮拔劍授其父  
便自殺之父泣曰不忍也其母從旁詬罵奪其  
劍而逃之問之乃繼母也重榮叱其母出從後  
射之**中樞**涑水記開云寇萊公少時不修小節  
頗羨鷹犬太夫人性嚴每不勝怒率秤槌投之  
中足流血由是折節從孝及貴母已亡每捫其  
瘡痕輒哭**孝義**記開云真宗朝有士人喪母號  
慟抱母屍而死其妻乃抱夫屍哭亦死曰此家

人子死於孝婦死於義也 **春暉** 孟郊云慈母手

中線游子身上衣臨行密密縫意恐遲遲歸誰  
言寸草心報得三春暉 **萱草** 孟郊云萱草集堂  
階遊子行天涯慈親倚堂門不見萱草花

衿孫

**鼻祖** 方言云鼻祖始祖也獸之初生謂之鼻人

之初生謂之首梁益謂鼻為祖或謂之鼻祖 **王**

**父** 禮云逮事父母則諱王父母不逮事父母則  
不諱王父母 **大父** 漢書云鄭當時知友皆大父

行孫名

爾雅云子之千為孫孫之子為曾孫曾

孫之子為玄孫玄孫之子為來孫來孫之子為  
昂孫昂孫之子為仍孫仍孫之子為耳孫耳孫  
之子為雲孫注軫遠如浮雲也

**無忝**

詩云無忝

爾祖

**績戎**

詩云績戎祖考又雲績乃祖服

**緇武**

詩云繩其祖武下**反財**列子云衛端木叔子貢

之後藉先資累萬金十弃家散車不為子孫

留財產及病無藥石死無瘞埋受施者相與反

子孫之財

**祖風**

漢書云李廣子當戶早死有子

陵爲侍中善騎射矣人下士帝謂有廣之風

**侍**漢書云石奮歸老于家子孫爲小吏來歸謁

必朝服見之不名子孫有過失不請諫爲便坐

封案不介諸子相責肉袒謝罪迺許子孫勝冠

者燕侍必冠**文**漢書云陳群兒時其祖寔謂

人曰此兒必與吾門又衛玠年五歲風神秀異

祖父璿曰此兒有異於衆顧吾年老不見其成

耳**小**漢書云鄭玄有孫以手文似已名曰小

同**清白**漢書云楊震性廉子孫常蔬食步行或

欽令開產業震曰使後世稱爲清白吏子孫以  
此遺之不亦侈乎**遺安**漢書云雁公釋耕墾上

妻子耘於前劉表候之指問曰先生肯官祿後

世何以遺子孫雁公曰世人皆遺之以危今獨

遺之以安**強項**漢書云靈帝謂楊震孫奇曰卿

強項真震孫也**偽將**魏志云賈逵爲光祿非常

設部伍祖父習異之曰汝大必爲將**拜像**魏志

云曹休祖父嘗爲吳郡太守休後至吳郡太守

舍見壁上祖父畫像乃下榻涕泣**娘目**晉書云

王羲之抱弱孫一味之甘必剖分之以娛目前  
**受官** 晉書云卽攸祖殷有賜官勅攸受之後太  
守勸舉孝廉攸口先人所受不敢改**愛亂** 晉書  
云何曾侍武帝宴退告其子遵曰國家應天受  
命創業垂統每侍晏未嘗聞經國遠圖非貽厥  
孫謀之兆也指孫曰此輩必遭亂亡及遵之子  
綏死尤嵩哭之曰吾祖其殆聖乎**留視** 晉書云  
范喬年二歲祖葵臨終撫喬首曰恨不見汝成  
人因以所用硯與之至五歲祖母以告喬喬執

硯涕泣

**乞養**

晉書云李密字令伯父早亡母改

醮祖母劉撫養密後徵爲太子洗馬祖母年老  
無人侍奉乃上表陳情云臣無祖母無以至今  
日祖母無臣無以終餘年母孫二人更相爲命  
祖母劉年九十有六是臣盡節於陛下之日長  
報劉之日短也烏烏私情願乞終養**心痛**齊書  
云宗元卿早孤鞠於祖母祖母病元卿在遠輒  
心痛大病則大痛小病則小痛以爲常鄉里號  
宗曾子**不教**南史云王敬弘未嘗教子孫學孝

多隨所欲或問之答曰冊朱不應乏教審越不  
聞被篤**得芹**隋書云劉族祖母王氏盛冬思芹  
而不言族知之時年九歲乃於澤中慟哭忽有  
芹生於地得鮮餘至芹生乃盡**覆**隋書云劉  
審禮少喪母爲祖母所養隋末大亂道不通審  
禮尚少自鄉里負祖母渡江轉側避地及天下  
平西入長安元每疾必親爇桑嘗而進**不及**唐  
書云許敬宗孫彥伯昂之子也頗有文敬宗晚  
年不復下筆凡大典冊悉彥伯爲之嘗戲昂曰



吾兒不及若兒吞曰渠父不及昂父

**祖勳**唐書

云衛次公爲兵部侍郎故美公李勣孫及大理

卿徐有功孫皆以貧不得調次公召見曰子之

祖勳在王室寧限常格即優補之

**以石**

唐書云

薛元起遷中書舍人省中有磐石祖道衡爲侍

印時常掾以草制元起每見輒泣然流涕

**家聲**

唐書云狄仁傑孫燕謨有祖風遷御史中丞帝

曰卿狄梁公後當嗣家聲不可不謹

**命名**

唐書

云李百藥童時多病祖母趙故以百藥命名

**不**

**辯**

唐書云郭子儀諸孫數十人每群孫問安不

盡辨領之而夫又後周李比哲妾媵百數男女

六九人子孫參見或忘其年名披薄以審之

**釋**

**枝**

白居易云玉芽珠顆小男兒羅薦蘭湯浴罷

時蘭遊春來盈女手梧桐老去長孫枝

諸父

**諸父**

詩云既有肥腍以速諸父疏伯父叔父也

又中庸云親親則諸父昆弟不怨**世父**爾雅云

父之昆弟先生爲世父後生爲叔父**從父**爾雅

云父之從父昆弟爲從祖父

**仲父**

釋名云伯把

也把持家政也父弟爲仲仲中也位在中也仲  
父之弟曰叔父叔少也叔父之弟曰季季癸也  
甲乙之次季在下也**猶子**朱子云禮曰兄弟之  
子猶子也今人以伯叔父前皆以爲猶子蓋記  
禮者主喪服言如夫子謂回也視子猶父也若  
有姪謂之猶子則亦可以先生爲猶父乎漢人  
從子却得其正蓋伯叔皆從父也**子行**漢書云  
定陶王於帝子行**鳩車**博物志云小兒五歲曰

鳩車之戲七歲曰竹馬之戲**自拙**後漢書云淳

于恭兄崇卒恭養孤幼教訓學有不如法及自

拙以感悟之姪慙改過**活姪**晉書云武康兄弟

妾各有子過歲荒不能兩全康棄其子活姪孔

嚴特為吾興守褒薦之**失愛**位志云曹操小字

阿瞞少無度叔父教言之於嵩操之父操患之

逢叔父於路乃陽敗面喞口叔父以告嵩嵩呼

操曰叔父言汝中風已差乎操曰初不中風失

爰叔父故見罔耳後叔有所告嵩不復信操始

肆意

**交遊**

晉書云阮咸字仲容任達不拘與叔

籍爲竹林之遊諸阮居道北咸居道南南阮富

而北阮貧**營墅**晉書云謝安字安石營墅東山

樓館甚盛每携中外子姪往來遊集肴饌更費

百金世頗以此譏之安不爲意

**怨錄**

晉書云謝

安嘗詣陸納納兄子俶密作食供之納設菜菓

俶設饌食罷納大怒杖四十曰不能先我叔而

乃穢我素風

**舍飯**

世說云郗鑒過未嘉胤旁綏

鄉人共食之常携兄子外甥就食鄉人辭不能

無濟乃獨往舍飯於兩坵公歸吐食二子**隗子**平  
書云王羲之爲從伯敦導所器敦嘗謂曰汝是  
吾家佳子弟當不減阮之薄也**玉樹**晉書云謝  
玄與從兄朗爲叔父安所器因曰子弟亦何豫  
人事而政敵使其佳玄曰如芝蘭玉樹使生庭  
階耳會詔奉文武良將安以玄應却起嘆曰安  
之明乃能遠衆立親玄之才足以不負所舉**非**  
**帶**晉書云魏舒容貌質朴少號遲鈍人莫知之  
唯叔父衡知其竒每有賓客造已勸使過舒言

吾兄子非常人也

**麒麟**

晉書云顧和總角便有

清操族叔榮雅重之曰此吾家麒麟與吾宗者

必此子也

**焚囊**

晉書云謝玄嘗佩紫羅香囊叔

安惡之而不欲傷其意因戲賭得乃焚之

**龍文**

晉書云楊惛叔父見惛曰惛將相器謂人曰此

兒駒齒未落已是我家龍文更十歲當求之千

里外

**十起**

晉書云第五倫或問第五倫曰有私

乎曰余兄子寧病一夜十起退而安寢余子有

病雖不肯視而通夕不寐

**省乳**

先賢傳云元德

秀兒嫂沒子在襁褓無資得乳媪乃自乳之數  
日漣流能食乃止 **全** **始** 魏書云張範子陵及弟  
子戩俱爲賊所得範立詣賊請二子賊以陵還  
範謝曰人情雖愛其子然吾於戩勿請以陵還  
賊義其志併還之又晉書云鄧攸求嘉亂步走  
擔其兒及弟子餓瘦不能兩謂妻曰弟早亡咄  
有一息理不可絕應自弃我兒妻泣從之 **主** **後**  
孔帖云盧邁叔下邳令休沐過家邁終日與群  
子姪均措使無位貌之異時已進中書侍郎邁



再娶無子或勸畜姬媵封曰兄弟之子猶子也

可以主後問志宋書云宗炳問兄子慈所志答

曰願乘長風破萬里浪炳曰汝若不富貴必

破我門戶佳器南史云謝密童幼時精神端審

時然後言叔父琨兄而異之曰此兒深中夙敏

可成佳器明珠宋書云劉孺七歲能屬文叔母

瑛常置座側謂賓客曰此吾家明珠封縣唐書

云魏謏以定五禮當封一子縣男謏請封孤兄

子叔慈帝怡然曰此可以勸俗即許之興門唐

史云柳公綽始生之日伯父子準曰興吾門者  
此兒因小字起之**活女**漢書云夏侯淵時大亂  
飢乏弃其子而活亡弟孤女又魏志云後漢劉  
平弟仲爲賊所殺扶母奔逃仲遺腹姪女一歲  
平抱仲女而弃其子母欲取之平曰力不能兩  
活仲不可絕**詠絮**晉書云王凝之妻謝氏道韞  
叔安常問毛詩何句最嘉道韞曰吉甫作誦穆  
如清風又嘗內集俄而雪下安曰白雪紛紛何  
所似安兄子朗曰撒鹽空中差可擬道韞曰未

卷之二十一 十三

若柳絮因風起安大悅爲箕晉書云庾袞兄有  
 孤女曰芳將嫁美服既備袞乃艾荆爲箕命芳  
 曰汝將事舅姑洒掃庭內婦人道也故賜汝此  
 器欲使汝溫奉朝夕小阮李嘉祐云細草綠汀  
 洲王孫耐薄遊年華初冠帶文體舊弓袞野  
 度花爭發春塘水亂流使君憐小阮應念倚門  
 愁阿宜杜牧云小姪名阿宜未得三尺長云云  
 阿宜牧姪名仲容杜甫云嗣宗諸子姪早堯仲  
 容賢仲容乃阮咸字籍之姪也

兄弟

**天倫**左傳云兄弟天倫**天驢**書云于弟不念天

頌大不克恭兄亦弗念鞠子哀大不友于弟**先**

**後**爾雅云男子先生為弟後生為弟**兄也****次**

**第**釋名云兄荒也荒大也弟七也相次弟而生

也**鴈序**禮云兄之齒鴈行又文選云鴈行有序

**手足**李華云誰無兄弟如手如足**懿親**左傳云

兄弟誰有小忿不廢**懿親****同父**詩云豈無他人

不如我同父**鵲原**詩云鵲鵲在原兄弟急難每

有良朋况也末嘆**頌筮**詩云伯氏吹埙仲氏吹

箎**家肥**禮云兄弟睦家之肥也**相好**詩云兄及

弟矣式相好矣毋相猶矣**祝葵**左傳云二惠競

葵猶可又弱一介焉**華鄂**詩云棠棣之華鄂不

譁譁凡今之人莫如兄弟**孝友**書云惟孝友于

兄弟施于有政**愛敬**左傳云兄愛而友弟敬而

順**惠順**禮云長惠幼順**為喻**詩云不令兄弟交

相為齟角弓**關雎**詩云兄弟鬪牆于外禦其

侮**孔懷**詩云死喪之威兄弟孔懷原隰稷矣兄

弟求矣**貴弟**左傳云伯州犁曰王子圍寡君之

貴介弟矣**相睦**左傳云大奴之子惟周公康叔

為相睦也**載旄**史記云衛宣公與伋子白旄告

盜曰見白旄殺壽子聞之載其旄而往盜殺之

子至曰我之求也彼何罪焉盜又殺之**為繅**禮

云成人有兄死而不為繅者聞子臯為成宰丞

為繅成人曰蠶則績而蟹有筐范則短而蟬有

綏尤則死而子臯為之繅**思過**漢書云韓延壽

為左馮翊行縣至高陵有昆弟訟田延壽傷曰

骨肉相訟是教化不至乃閉關自思過於是訟者相責讓肉袒願以田相和終死不爭

**難兄漢**

書云陳紀元方子長文即陳群弟諡季方子孝先即陳忠各論父功德爭之不決諮于大丘陳寔其社也大丘曰元方難爲兄季方難爲弟又世說云王珉小名僧彌少有才藝名出珣右時人語曰法護非不佳僧彌難爲兄

**八龍漢書**

云荀爽兄弟八人潁川語曰荀氏八龍慈明無

雙**三鹿**後漢書云賈彪字偉節兄弟三人並有

高名而處最優故天下稱之曰賈氏三處備前

最優行服漢書云馬援兄卒援行服期年不離

墳墓并**共財**漢書云蔡邕與從弟同居三世不

分財鄉黨高其義**辭辟**後漢書云鍾皓二兄未

顯故不受公府辟**伴瘖**後漢書云董恢弟翊名

高於恢宰相先辟之翊伴瘖不就仕及恢被命

乃就孝廉**共被**後漢書云姜肱兄弟四人居貧

作一布被而共之兄弟皆以孝行著**獨留**晉書

云咸寧中大疫庾衮二兄俱亡次兄毗復危殆



厲氣方熾。父母諸弟皆出次于外。哀獨留不去。  
親自扶持。晝夜不眠。毗病得瘥。**推財**。晉書云。王  
幽爲侯。推財與弟。身無所愛。**龍虎**。世說云。諸葛  
瑾仕吳。諸葛亮仕蜀。後弟誕仕魏。後以兵反。見  
誅。世人謂蜀得龍。吳得虎。魏得狗。**龍羅**。晉書云。  
張華兄褚。附謂陸機曰。君兄弟。龍羅雲津。**琴亡**  
。晉書云。王獻之卒。徽之奔喪不哭。直上靈牀。取  
獻之琴。彈之。久而不調。曰。嗚呼。人琴俱亡。因頓  
絕。月餘亦卒。**同母**。陳書云。隋帝謂群臣曰。五子

同母真兄弟也

**御燭**

晉書云周顛字伯仁友與

過人弟嵩飲醉瞋目謂伯仁曰君才不如弟而

橫得重名須臾奉蠟燭火擲伯仁伯仁笑曰何

須火攻固出下策

**少雀**

世說云王獻之與兄徽

之搦之俱詣謝安二兄多言俗事獻之寒暄而

已客問王氏優劣安曰少者佳客問其故安曰

吉人之辭寡以其少言故知之

**西風**

北史云北

齊崔陵與弟仲文同日拜官時號兩鳳連飛

**前**

**後**

南史云夏侯夔為豫州刺史兄奩先經此任

並有恩惠百姓歌曰前允後弟布政優優殺牛

隋書云牛弘寬厚弟弼好酒因醉射殺弘駕車

牛其妻謂曰叔射殺牛弘無所恠吞云作脯共

妻又曰叔忽射殺牛大是異事弘曰已知之顏

色自若**易衣**汝南先賢傳云李充兄弟六人家

貧易衣而出併日而食**佩印**汝南記云陰慶爲

朝陽侯其弟真與丹皆爲卿慶推其居第園田

奴婢分與真丹但佩印而已當代稱美之**叱婦**

先賢傳云李充兄弟六人貧無擔石之儲共妻

謂克曰我有私財可異居克乃集宗族而起白  
母曰此婦令克異居此而出門**白眉**蜀志云馬  
良兄弟五人並有才名鄉里曰馮氏五常白眉  
最長良肩中有白毫以云**二龍**汝南記云許邵  
字子將汝南平輿人兄處亦知名汝南人稱平  
輿淵有二龍**三鳳**唐書云薛元敬隋選部郎遷  
之子與從兄弟收及族兄德奇齊名世號河東  
三鳳**雙舉**乾闥子云唐張越石楚金同舉有以  
兄弟不可兩收歆俱退李靖嘆曰真率本求才

行何妨雙舉

**名流**

荊州記云季裨兄弟十人並

慈廉讓因名江曰廉讓

**長祿**

唐書云睿宗五子

玄宗爲季子製大余長枕與諸王共之後又造

花萼相輝樓時召諸王登臨賦詩世謂天子友

悌無比

**義竹**

開元遺事云帝遊後苑有竹叢密

苟不出外顧謂諸王曰弟兄父子相親當如此

因謂義竹代筆

唐史云常嗣立與承慶異母少

友悌母遇慶嚴每笞慶輒解衣求代母感悟均

愛焉

**教忍**

唐書云姜師德弟守代州辭之官師

德教之忍事弟曰人有嗚而紫之乃已師德曰  
紫之是盡其怒正使自乾耳從早唐書云張嘉  
貞奏事京師元宗善其政數慰勞嘉貞自陳少  
孤與弟嘉祐相恃以長今為鄴州別駕願內徙  
使少相近冀盡力報國死无恨矣帝為徙嘉祐  
忻州刺史無母唐書云岑文本弟文昭任校書  
郎多交輕薄帝不悅謂文本曰卿弟多過朕將  
出之文本曰臣少孤母所鍾念者弟也不欲離  
左右今若出外母必憂無此弟是無老母也泣

下嗚咽帝愍其意召文昭讓救卒無過優劣唐  
書云李義琛使高麗其王據榻召見義琛不拜  
曰吾天子使可當小國之君奈何懼見我王詞  
屈為加禮及義琛為使亦坐召之義琛匍匐拜  
伏時人由是見兄弟優劣因聞風俗通云吳文  
章少孤與兄伯武相失二十年後會下邳市爭  
計共鬪伯武歐文章文章報擊之心中怡悽  
手不能舉因投杖於地相問乃真兄弟也不娶

唐書云陽城年老不肯娶謂弟曰吾與若孤悽

相有疏娶則聞外姓雖共處而益疎我不忍承  
義之亦不娶遂終身

**伯借**

玄談錄云張伯借仲

借兄弟形貌相類仲借妻新粧中忽遇伯借問  
曰今日新粧飾好不伯借曰我伯借也仲借妻  
慚久之伯借復過仲借妻曰向誤呼伯伯借曰

我故伯借仲伯妻大慚

**三珠**

唐書云王勃與弟

融勔皆著才名故杜易簡稱三珠樹

**一秦**

唐書

云唐初漢書學太興其章章者若劉伯莊秦景  
通兄弟劉訥言皆名家景通與弟瞻皆有名精



漢書號大秦君小秦君**祀梓**唐書云帝述弟迥

迪學業亦亞述與迥對為學士與迪並禮官縉

紳高之時趙冬曦兄弟亦各有名張說嘗曰帝

趙兄弟人之祀梓**器許**唐書云帝綬弟纁有精

識為士林器許兄弟皆名重當時**八座**唐書云

閔立本代允立德為工部尚書兄弟相代為八

座時人榮之**節度**唐書云涼國李愬自鳳翔隴

右節度代其兄愿為武寧軍節度使兄弟交換

徐岐兩鎮**三宿**唐書云帝叔誥正觀中為庫部

卽中與弟志人卽中叔譙兄弟爲卽史季武同  
省時疑三列宿**棄官**唐書云杜牧分司東都以  
弟顓病棄官**分刑**續齊諧記云京兆人田真兄  
弟三人共分財各居堂前有桑刑華甚茂共議  
破爲三待明截之樹忽枯死真驚謂諸弟曰本  
同株當分折便憔悴况兄弟孔懷而可離是人  
不如樹也元弟相感更合**雙珠**蜀志云孟昶與  
弟顓並天風姿時人謂之曰雙珠**然**史云魏  
文帝嘗令東阿王七步中作詩不成者應大法

應聲曰煮豆然豆其豆在釜中泣本是同根生  
相煎何太急**夏草**晉書云謝惠連幼有奇才族  
兄靈運每有篇章對靈運輒有佳句靈運作春  
詩未就夢見惠連覺而得池塘生春草之句謂  
有神助**尺布**李白云田氏倉卒骨肉分清天白  
日摧紫刑交柯之木木同形東枝憔悴西枝榮  
無心之物尚如此參商胡乃尋天兵孤竹延陵  
讓國揚名高風緬隗顛波激清尺布之謠塞耳  
不能听

妾勝

**卑人**

漢書云腐木不可以爲柱卑人不可以爲

主卑人婢妾也

**副妾**

左傳注云蒧氏之女爲僖

子副妾故納全立之女以副助之

**傳婢**

漢書云

爲傳婢所毒注謂傳相共衣服祗席之事

**多妻**

漢書云王禁多妻妾妻禁元右父也

**小妻**

漢書

云武帝詔枚乘乘孽子臯之母小妻不肯隨乘

**內寵**

左傳云齊侯多內寵內嬖如夫人者六人

**外婦**

漢書云高悼惠王母爲齊祖外婦

**箕**

**箒**漢書云吾有息女願爲箕箒妾**質征**詩云噍

彼小星三五在東肅肅宵征夙夜在公寔命不

同**家僮**漢書云呂不韋家僮萬人注婢妾之總

稱**卜姓**禮云買妾不知其姓則卜之**進御**禮云

妻不在妾御妾敵當夕注謂進御於君**給侍**杜

氏通典云漢尚書郎入直給女侍二人皆選端

正妖麗執香爐護衣服**專房**漢書云寵之專房

又宴專席寵專房**比房**列子云鄭公孫穆後庭

比房數十皆擇稚齒媵妍者以盈之**教戰**吳越

春秋云孫武以兵法見吳王使教戰宮中出美女百八十人分爲隊以王之寵姬二人爲隊長乃三令五申之於是鼓之左婦人皆大笑復三令五申而鼓之右婦人復大笑孫子斬左右隊長用其次復鼓之前後跪起皆中規矩繩墨孫子曰兵既整齊惟王所用雖赴水火可也

**通德**

漢書云伶玄之妾樊通德趙飛燕女使也能道飛燕姊妹事玄曰其人俱反威矣疲精神馳嗜歌寧知終歸荒田野草乎通德掩袖視燭影以

手擁髻淒然泣下玄因作飛燕外傳

**飲乳**

漢書

云張蒼長八尺餘免相後口中無齒食乳女子

為乳母妻妾以百數嘗孕者不復幸年百餘歲

卒

**匿情**

漢書云王莽成帝時折節為恭儉敢為

激發之行嘗私買侍婢昆弟頗聞知莽曰後將

軍宋子元無子聞此兒種宜子為買之即曰以

婢奉子元共匿情求名如此

**殺主**

漢書云大司

空扶平侯王崇就國歲餘為侍婢所殺

**出關**

漢

書云袁盎使吳吳王欲使將不肯使五百人圍

守之初盜爲吳相從吏私通盜侍兒盜知之弗泄從使亡去盜自追之以侍者賜之及盜見守役使適爲司馬買二石醇醪醉而南陔卒夜引盜起曰君可去吳王期旦日斬君盜曰何爲者司馬曰臣故爲君從吏盜侍兒者也迺以刀決帳尋從醉卒直出背盜行七十里明日覓騎馳遍**飛燕**趙飛燕別傳云漢帝嘗微行出過潞河主家作樂上見趙飛燕而悅之是時有童謠云燕燕燕尾延延張公子時相見蓋帝每微時常



與張放俱而稱富平侯家故曰張公子

**通期**後

漢書云梁商美人支通期獻於順帝通期有過

帝以婦商商出嫁之商子冀遣客盜还通期生

子伯玉

**二喬**

吳志云周瑜從孫策攻皖得喬公

兩女皆國色策自納大喬瑜納小喬**青青**列女

傳云會稽翟素遭賊欲犯之臨以白刃素婢名

青青乞代素賊殺素欲犯青青不許復殺之

**翻**

**風**

拾遺記云石季倫有愛婢曰翔風能別五声

以文顯名年三十歲退之為房老翔風怨而作

詩云春華誰不羨卒傷秋落時坐見芳時歇憔悴空自嗤

**陸**嶺表錄異云梁氏女名綠珠有容貌石季倫爲交趾採訪使以真珠三斛買之善吹笛孫秀使人求之崇不與秀竟誅崇綠珠聞之墜樓死

**崇**晉書云何長瑜以頷語序僚佐曰陸展染白髮欲以媚側室青青不解久星行復出

**香塵**拾遺記云石季倫所愛婢十數人季倫常屑沉水香塵末布象牀上使所愛者踐之無跡則賜真珠百琲若有迹者節其飲食

令体輕故閨中相戲曰尔非細骨輕軀那得百  
琲真珠

**露醜**

晉紀云王導及周顛詣尚書紀瞻

瞻有愛妾能爲新声顛於衆中欲通其妾露其  
醜穢頗無怍色有司奏免顛官詔特原之

**與政**

晉書云王導有幸妾姓雷頗豫政事納貨蔡公  
謂之雷尚書

**不遣**

南史云齊張環位光祿大夫  
妓妾盈房或譏其衰暮畜妓環曰我少好音律

老而方解平生嗜欲無一復存唯未能遣此

**簾**

**衣**

南史云梁夏侯亶性儉率有妓妾十數並無

被服每有容帝臨籥奏樂時爲籥爲夏候妓亦

**妓易**

南史云宋肅惠開赴益州路經江陵時吉

翰子在荊州與惠開有舊設女樂有美者惠開  
就求不得又欲以四妓易之不許惠開怒斬吉  
納其妓答孝武云謗訕朝政

**虛見**

世說云晉王

珉私娼婢情好甚篤娼鞭撻過苦婢素善歌而

珉好持白團扇其婢贈珉白團扇歌云團扇復

團扇手持白障面憔悴無復理羞與郎相見

**騎** 晉書云阮咸素幸姑之婢婢當歸于夫家初

云留婢既而自往去時方有客咸聞之處借客  
馬追婢既及與婢累騎而還論者非之

**贈馬洛**

陽伽藍記云北齊尔朱文略豪縱不遜平秦王  
有七百里馬文略敵以好婢賭取之明日平秦  
王致請文略殺馬及婢以二銀器盛婢頭馬肉  
遺之

**琴客**

麗情集云顧况有宜城訪琴客詩序

云琴客宜城之愛妾也宜城請老而愛妾出嫁  
不禁人之歌者也

**雪兒**

百斛明珠云李密愛姬

雪兒善歌每賓僚文章藻麗者即付雪兒歌之

**玉蕭**

雲溪友議云帝臯少遊江夏姜使君之館

有小青衣曰玉蕭年七歲帝令侍臯年長有情  
帝去與玉蕭約曰後七歲再來遺以白玉指環  
并詩曰黃雀啣來已數春別時留解贈佳人長  
江不見魚書至爲遣相思凌入秦逾八年帝不  
至玉蕭絕食而殞後十年帝理蜀因作生日東  
川盧八坐中送一歌姬來年未破瓜亦名玉蕭  
諦觀之真玉蕭也

**幻術**

記聞云郭璞至廬江變

主人婢思由而得乃取小豆三升繞主人宅撒

之主人晨見赤衣人數千圍其家就視則威甚  
惡之請璞爲卦璞曰君家不恒畜此婢可急於  
東南二十里賣之慎勿爭價則此可除主人從

之**瑤英**

鷄距集云唐元載寵婢薛瑤英楊炎贈

歌曰雪而淡娥天上女鳳蕭鸞翹歌飛去玉釵  
翹翠步無塵楚腰如柳不勝春**燕棲**語林云唐

張建封牧徐州有妾姬彤彤建封沒彤彤不嫁  
居燕子樓十餘年白樂天作云醉嬌無氣力風

象牡丹花

**鸚鵡**

文苑英華云唐貞元中張生與

崔氏女罵鴛私後棄之鴛亦委身於人張亦娶  
適經其所求兄不得崔知之潛賦一章曰一從  
消瘦殘容尤萬轉千回懶下牀不爲旁人羞不  
起爲卽憔悴却羞卽竟不見元稹爲傳作秋娘國  
史補云李騎叛有妾杜秋娘没入宮後又放歸  
杜牧感而作詩有云椒壁懸錦幕鏡奩蟠玉  
蟠月上白壁門桂影浮參差金階玉露重間把紫  
簫吹母國史補云楊晟隸鳳翔軍節度使李  
昌符畏其勇欲殺之妾周摠使已去昌符死晟



得妾周母祝之周請爲妻晟固辭曰問省乃祝

**事記**

至小名錄云路州節度使薛嵩有青木曰

紅線嵩遣掌牋表號內記室

**告**

唐書云楊

謹

父塚草木皆流血懼問所善胡人史敬忠敬忠使

謹矜身極梧裸而作林中祗之會婢春草有罪

將殺之敬忠曰勿殺賣之可市十牛歲耕田十

頃謹矜從之婢入貴妃姊家因得見帝帝愛其

辯慧留宮中寢侍左右帝問所從來婢奏爲謹

矜家所賣具告敬忠夜過謹矜坐庭中步星變

夜分乃去帝怒使王拱等與李林甫作飛牒告  
謹矜詔賜死**募士**唐書云崔寧第寬守成都楊  
子琳乘間起瀘州寬戰力屈有妾任素驍勇即  
出家財十萬募勇士得千人設部隊自將以進  
子琳大懼**釋囚**唐史云洛州女子淳于以姦繫  
大理李義府聞其美囑丞畢正義出之釋其囚  
納以爲妾**婦納**唐書云李德裕時蜀人多鬻女  
人妾德裕爲著科約凡十三而上執三年勞下  
者五歲及期則歸之父母**問聲**天寶遺事云寧

王有樂妓寵姬美色善歌客莫見李白曰王何  
吝此不示衆乃設七寶花障召寵姬歌於障後  
白曰雖不見面亦幸聞聲**窈娘**古今詩話云唐  
左司郎中喬知之有婢名窈娘藝絕當時武延  
嗣聞之欲一見既至即留之不復還知之痛憤  
因爲詩賂閹者以達窈娘窈娘繫於裙帶赴井  
死延嗣因使酷吏誣知之罪下獄殺之**花妖**遺  
史云武三思妾素娥有殊色狄梁公請出之忽  
失所在於堂與中低語曰某花月之妖梁公正

人不敢見**禁粧**唐史云崔樞夫人治家整肅

儀端麗禁群妾作時世粧**妬出**池陽集云杜牧

之守郡時有妾懷妊而出以嫁州人杜筠後生

子即荀鶴也**錘死**唐書云嚴武幼豪爽母裴不

爲扯之所答獨厚其妾英武始八歲怪問其母

母語之故武奮然以鐵錘就英寢碎其首左右

驚白挺之曰卽戲殺英武辭曰安有大臣厚妾

而薄妻者兒故殺之非戲也父竒之曰真嚴武

之子**賄帶**開元遺事云嚴續相公歌姬唐鎬給

事通犀帶皆一代尤物二人交相羨慕一日出  
姬解帶以戲子較勝負數巡唐彩大勝唐乃酌  
酒命美人歌一曲而別嚴悵然遣之**酥香**白樂  
天云唐杜秘書工小詞鄰翁有女小字酥香凡  
才人歌曲悉能諷之一夕踰牆至杜匿之半年  
僕有過杜笞之竄而聞官杜流河朔臨行述求  
遇樂詞决別女持紙三唱而死**樊素**古今詩話  
云白樂天二妾樊素善歌小蛮善舞有詩曰櫻  
桃樊素口楊柳小蛮腰二妾既長又有詩云一

樹春風萬萬枝嫩於金色軟於絲後二妾皆去  
有詩云病與樂天相伴住春隨樊素一時歸  
**桃**語林云韓退之二妾絳桃柳枝退之使山東  
有詩云東風欲動別長安春半過城特地寒不  
見園花并巷柳馬頭唯有月團圓柳枝後踰園  
迨去有詩曰別來楊柳皆頭樹擺亂春風只欲  
飛還有小園桃李在留花不發待郎歸  
**青娥**古  
今詩話云趙嘏浙人有美妾泊計偕母不許携  
行會上元游鶴林爲帥所奪明年嘏歸以詩感

之曰寂寞堂前日又曛陽臺去作不歸雲當時

聞却沙吒利今日青娥蜀使君帥遂遣還歸婢

唐宋遺史云崔郊居漢上嘗私姑婢姑貧鬻婢

於連師于頓家萬郊思慕無已其婢因寒食

出值崔生立於柳陰馬上連泣誓若山河崔生

贈詩曰公子王孫逐後塵綠珠垂淚濕羅巾侯

門一入深如海從此蕭郎是路人或有嫉郊者

聞於公公令召崔生握手曰侯門一入深如

海從此蕭郎是公作耶遂命婢同歸至於

惟恍奩匣具悉爲增飾之**效死**十六國春秋云

張天錫疾其姬閔薛二人並有殊寵天錫每謂  
曰汝二人何以報我我死後豈可更爲人妻皆  
曰尊君不諱妾請效死於前洒掃地下無他志

**花羞**五代史云梁故將劉鄩侍兒王氏有美色

號花見羞**來侍**宋書云朱子京晚年知成都任

任刪修唐書每宴罷開殿門垂簾然二椽燭膝  
婢夾侍和墨伸紙遠近觀者望之如神仙偶微  
寒命取半臂諸婢爭送凡十餘枚子京恐有厚



薄之嫌竟不敢服忍冷而歸

**縱**

**淫** 湘素雜記云

南唐韓熙載初爲侍郎性坦率不遵禮度集女

樂數人日與荒樂所受月俸至即散爲諸女所

有熙載不能制日不能給遂弊衣屨作瞽者持

獨絃琴伴門生舒雅執板隨房歌鼓求丐以足

日膳旦暮亦不禁共出入或竊與諸生揉雜而

淫熙載見趨避而笑曰不敢阻與而已有夜奔

客寢者其客詩曰最是五更留不住向人頭畔

着衣裳時人謂北齊徐之才豁達無以過之

**遺**

**嫁**

東軒筆錄云江南有國日有縣令鍾離君與  
隣縣令結婚鍾離女將嫁買一從婢一日其婢  
執箕箒至堂前熟視泣曰幼時我父於此穴地  
爲毬窩導我戲也鍾離曰父爲誰婢曰我父前  
令也身死家破我流落民間今詢實以書抵許  
曰吾買婢得前令女義不可辱當輟吾女嫁資  
先爲求婚更候一年別爲吾女營奩具以歸君  
子可乎許荅書曰遠伯玉恥獨爲君子願以前  
令女配吾子君女別求良媒以嫁於是前令之

女婦許氏**失身**青瑣集云王瓊奴王郎中幼女

父死失身於趙奉常家爲主母凌辱遁出淮上

書其事於驛壁見者哀之**歸夫**記聞云王刑公

知制誥吳夫人爲買一妾荆公見之問誰氏曰

妾夫爲軍大將部米綱運失舟家貲沒猶不足

又賣妾以償公愀然曰夫人用錢幾何得汝曰

九十萬公呼其夫婦之不問其直**歸質**韓昌黎

云子厚得柳州其俗以男女質錢約不時贖子

本相侷則沒爲奴婢子厚與設方計悉令贖歸

其充貧力不能者令書其備足相當則使歸其  
質觀察使下其法於它州比一歲免而歸者至  
千**失婢**白樂天云宅院小墻庫坊門榜帖遲舊  
恩慙自薄前事悔難追籠鳥無常主風花不恋  
枝今宵在何處唯有月明知又劉禹錫云把鏡  
朝猶在添香夜不歸鴛鴦拂瓦去鸚鵡透籠飛  
不逐張公子即隨劉武威新知正相樂後此脫  
青衣**列**羣韓昌黎云曲眉豐頰清聲而便射秀  
外而惠中飄輕裙曳長袖粉白黛綠者列屋而

閑居妬寵而負恃妍而取憐  
**蛾眉** 白樂天云黃  
金不惜買蛾眉  
得如花四五枝  
歌舞教成心  
力盡一朝身去不相隨

奴僕

**臧獲** 方言云臧獲奴婢賤稱又荆淮海岱并齊  
之間罵奴曰臧罵婢曰獲齊之比鄙燕之比刻  
化人男而壻婢曰臧女而婦奴曰獲又亡奴謂  
之臧亡婢謂之獲皆謂奴婢之賤稱又秦晉之  
間罵奴曰侮燕齊之間養馬者及奴婢女厮昔

謂之姬媼。廝婦人給使者。**妾人**。周禮云：奚三百。

人。鄭玄注曰：古者從坐，男女沒入縣官，曰奴婢。

其少才智者，以爲奚。今特侍史官婢是也。**紀綱**

左傳云：秦伯送衛於晉三千人，實紀綱之僕。**廝**

**養**。公主傳云：廝役，皂養。注：析薪爲廝，炊烹爲養。

**廝役**。漢書云：張耳、陳餘共廝役，莫非天下英傑。

**監奴**。漢書云：優幸監奴。注：奴之監知家務者。**應**

**門**。李令伯云：內無應門五尺之童。**家僕**。史記云：

與家僕雜居齊處。**家僮**。史記云：卓氏富家僮八

百人

**蒼頭**

漢書云王仲翁補大將軍出入後蒼

頭廬兒注漢名奴爲蒼頭非純黑以別於良人

也諸給事殿中所居爲廬蒼頭侍從因呼爲廬

兒

**私屬**

漢書云王莽曰秦置奴婢之市與牛馬

同籍今改奴婢曰私屬禁不得買賣

**突勇**

漢書

云王莽時匈奴寇邊大募天下囚徒人奴名曰

徠突

**狶勇**

左傳云馬有闕牛有牧以待百

事負羈紼以從扞牧圉

**庸保**

史記云荊軻旣至

燕爰燕之狗屠及善擊筑者高漸離爲人庸保

匿作**閹幹**魏志云駙皂門幹**鷹大**陳孔璋云鷹  
犬之才爪牙可任**牛馬**史記云太史公牛馬走  
注猶僕也言爲太史公掌牛馬之僕**輿書**左傳  
云申無宇曰人有十等王臣公公臣大夫大夫  
臣士士臣皂皂臣與與臣隸隸臣僚僚臣僕僕  
臣臺**典琴**荅顏錄云北齊王元景有奴名典琴  
**漁童**唐書云張志和有奴婢二人奴曰漁童婢  
曰樵青後與爲配偶**禁殺**漢書云光武詔曰天  
地之性人爲貴殺奴婢者不得減其罪又詔取



炙灼奴婢論如律免所炙灼者爲庶人

**諫市漢**

書云張廷圭會詔市荊益奴婢廷圭上書曰荊  
益奴婢多國家戶口姦豪掠賣一入於官永無  
脫期南北異宜必至生疾此有損無益也**明法**  
先賈傳云竇執戒家奴無出外忽遣奴取漿公  
厨旣而悔之曰借汝頭以明法命斬奴**善射**三  
輔决錄云魏武使長史五必將兵衛天子於許  
都時金祿家有胡婢善射必常請之役後**養孤**  
後漢書云李善南陽人本同縣李元蒼頭元家

疫相繼死有孤兒續始生數旬而貧財千萬諸  
奴婢欲殺續分財善潛負續逃親自哺養乳爲  
生連續在懷抱奉之不啻長君續年十歲善與  
歸本縣修理舊業訟諸奴婢於官悉收殺之**發**  
**才**梁書云蕭穎士有奴事穎士十年答楚嚴慘  
或勸其去曰非不非能去俊其才爾**質耕**宋書  
云虜據滑臺太社欲北伐沈慶之固陳不可丹  
陽尹徐湛之吏部尚書江湛並在坐上使湛之  
等雜慶之曰理國譬如理家耕當問奴織當訪

婢陛下今欲伐國而與白面書生輩謀之事何  
由濟上大笑

**知文**

晉書云和愔字方回有蒼頭

善知文章王羲之愛之每稱奴于劉惔惔問何  
如方回羲之曰小人耳何得比和公惔曰不如  
方回故富奴耳

**原縱**

唐書云宗室後改容州刺

史先兆西原亂夷獲反者沒爲奴婢長沒之復

至使訪親戚壹肯原縱

**分業**

唐書云崔覲老無

子以田宅財貲分給奴婢各爲業自與妻隱南  
山約奴婢過其舍則具酒食夫妻嘯詠相視爲

娛羽化

唐書云柳公權公卿貶遺鉅萬而主藏

奴或盜用嘗貯盃盃一筍滕絨如故而器皆亡

奴妄言叵測公權曰銀盃羽化矣不復詰

唐書云盧懷謹死家無餘蓄惟一老蒼頭請自

齋以辦喪事代死列女後傳云會稽翟素者翟

氏之女也受聘未及配適遭賊欲犯之臨以白

刃素婢名青青乞代素賊殺素後欲犯青青曰

向欲代素恐被恥獲害耳今素尚死何以生爲

賊復殺之墓生搜神記云晉杜嘏家葬而婢悞

不得出十餘年開墓而婢尚生云初如暝有頃  
漸覺若再宿入墓時年十五六及開冢貌如初  
嫁之有子蘇美東觀漢記云劉寬性簡畧夫人  
欲試寬意俟當朝會裝嚴已訖使婢奉肉羹翻  
汚朝衣婢收之寬神色不異乃徐言羹爛汝手  
邪奴是韓退之云主人使奴星結柳作車長髮  
韓退之云王川先生洛城粟破屋數間而已矣  
一奴長髮不裹頭一婢赤脚老無齒

類傳卷第九 終